



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCLXX. Ioannis Papae VIII. Ad Diversos Episcopos. Athanasium Neapolitanum episcopum, qui saepe monitus, nunquam, sicut promiserat, foedus cum Sarracenis ictum rumpere voluit, a se cum ...

urn:nbn:de:hbz:466:1-15967

ferre. Sed & e latere vestro , qui eidem exercitui præesse possit, tam strenuum , tamque idoneum missum modis omnibus tribuatis , qui & ductor exercitus vestri existat, & quam defensionem , vel adiutorium nobis faciant, ipse præuideat ; & quidquid vestra vice est peragendum, potestateve perficiat. Alioquin non solum ex hoc maxima negligentia erit, & omnis vestra vtilitas deperiet, sed etiam nouissima nostra erunt peiora prioribus ; & vos quantum ex hoc habeatis peccatum , dici non potest. Ideoque propter Deum succurrite nobis , succurrite, vt non dicant in circuitu nationes: Vbi est imperator eorum? Præterea honorificentia vestra cum benedictione apostolica palmam, per quam signum datur victoriae, ecce ex more direximus, exoptantes , omnipotentemque Deum deprecantes, vt hanc cum latitia vos in die tantæ solennitatis gestare faciat, atque permittat. Et ad omnium nostrum vtilitatem profectum, aures præcordiorum vestrorum diuinitus inclinare dignetur. Data quarto Kalendas Aprilis, indictione decimaquarta.

EPISTOLA CCLXX.

IOANNIS PAPÆ VIII.

AD DIVERSOS EPISCOPOS.

Athanasiū Neapolitanum episcopum, qui saepe monitus, nunquam , sicut promiserat, fœdus cum Sarracenis iustum rumpere voluit, a se cum omnibus ei consentientibus excommunicatum significat.

*Omnibus episcopis Caetam, Neapolim, Capuam, Berolassim, & Amalfim, Beneuentum, & Salernum incolentibus,
a paribus.*

Quæ & quanta ab Athanasio Neapolitano episcopo Christi ecclesia patiatur aduersa , optaremus vobis non esse dicturos, nisi essent supra modum grauia. Ecce enim, vt ipsi iam ex maxima parte non ignoratis, ad perditionem totius Christianitatis, a multis retro temporibus cum filiis Ismael & Deo scilicet odibilibus Sarracenis patet faciens, omnem istam terram ita ad nihilum redigit, vt iam non sit, qui eam prorsus inhabitet. Super quo scelere eum saepissime commonuimus , & corpori nostro om-

nimodo non parcentes, vsque Neapolim properauimus, multumque argenti ei contulimus, & rogauius, vt ab eorum se societate diuideret, vt tandem aliquando resipiscens, tantam pestem deleret. Qui, vt ita dixerim, importunitatem nostram licet fide non tolerans, promisit se ita esse facturum, & pactum cum Sarracenis habitum solutum, sub ea dumtaxat conditione, vt si deinceps hoc malo se quocumque modo misceret, & sacerdotio esset priuatus & anathemati subiaceret. Sed, heu, pro turpis lucri commodo, quod ab ipsis Sarracenis, de preda eorum partes recipiendo, huius promissionis oblitus, noluit adimplere, quod multis coram positis scriptis & verbis promisit. Rursum nobis non modici argenti adauertis ponderibus, & apud Caietam peruenientibus, per suos legatos ei mandauimus, vt si intra triginta dierum spatia cum Sarracenis habitum foedus non rumperet, aut ea quæ nobis tergiuersando abstulerat, non retransmitteret, nostro iudicio iterum sententiam, quam ipse in se pertulit, prorsus exciperet: sed tam varia iuramenta, quam absolutas promissiones postponens, nos de die in diem delusit, & foris omnibus dissipatis, intus vero per suam calliditatem multis nostris ablatis, haetenus nec cum Sarracenis habitum pactum dissoluit, nec reliquiae Dei populivoluit misereri. Quin potius cum ipsis conuersans, de ipsis malis in peius creuit, & Dei mandata contemnens, sacerdotii etiam sui oblitus non solum similis illis effectus est, sed etiam in multis deterior. Huius rei gratia apud beatum Petrum apostolum synodice in eum sententiam protulimus; & cum omnibus sibi consentientibus, siue fauentibus, omni ecclesiastica communione sub anathematis interpositione priuauimus. Modus autem excommunicationis hic est: Athanasium Neapolitanum episcopum sapissime admonitionibus, & multis argenti ponderibus datis, vt pactum cum Sarracenis habitum disrupteret, admonuimus. Ille autem idem pactum se omnimodo solutum, & ab eorum societate separaturum esse promittens sub ea conditione, vt si denuo cum illis quolibet modo foedus habuisset, omni esset sacerdotali honore priuatus, & anathematizatus, sed haec omnia paruipendentem, & ad perditio nem Christianorum cum eis pactum habentem, & nos

Rr iii

sæpiissime deludentem, & de præda eorum partem recipientem, iudicio & auctoritate Dei omnipotentis, & beatorum apostolorum Petri ac Pauli simul & nostra, cum omnibus sequacibus suis, & omni ecclesiastica communiōne priuamus, & quousque se ab ipsis Sarracenis penitus separauerit, velut totius Christianitatis inimicum anathematizamus. Data mense Aprili, indictione decimaquarta.

EPISTOLA CCLXXI.

IOANNIS PAPÆ VIII.

AD ROMANVM ARCHIEPISCOPVM

RAVENNATEM.

Arguit quod Albericum comitem Rauennam ascuerit, & nobiles Rauennates contra iusurandum sibi praestitum vexarit. cum Neapoli reuersus fuerit, ait se ea omnia curaturum. iubet Dominicum archidiaconum Fauentinæ ecclesiæ episcopum consecrari.

Romano archiepiscopo Rauennati.

EA quæ nostro præfulatui pro vtilitate & necessaria sanctæ Rauennatis ecclesiæ restituzione perficienda mandasti, lucifluis antecessorum nostrorum informati exemplis, congruum & opportunum eidem ecclesiæ libenter volumus, Deo fauente, præbere solatum, & defensionis auxilium: præcipue cum ipsis nos tibi commissum habeamus regimen. Sed quia multi nobilium Rauennatum, crebris dumtaxat querimoniiis apostolatus nostri aures pulsare non desinunt, circa te clementiæ nostræ benevolentia commota non immerito habetur. Nam vt cetera omittamus, quia Albericum comitem quasi ex parte imperiali Rauennam adsciscere, & nobiles ciues ipsius nobis inconsultis ausu temerario distringere enormiter coegisti, miramur, eo quod te aduersum tuam promissionem iureuirando coram nobis, & sede apostolica prolatam, penitus egisse cognoscimus. Pro quo nimirum te valde cauere oportet, ne pro talibus tua te sententia velut transgressorum vlciscatur. Nos enim te gregem Domini pascere, non per-